

Ս. ԳՐԻԳՈՐ ԼՈՒՍԱՎՈՐԻՉ ԵԿԵՂԵՑՈՒ ՀԻՄՆՕՐՀՆԵՔԸ ՌԻԳԱՅՈՒՄ

Մեր հայրենակիցները հոգևոր ուրախության և վերազարթոնքի օրեր են ապրում մահ մեղքին սփյուռքում: Մեր ձբալթիկայում առաջին անգամ վեր է խոյանալու Հայց. Եկեղեցու հավատացյալների աղոթատունը:

Սույն թվականի դեկտեմբերի 13-ին, առավոտյան, հարյուրավոր հայորդիներ էին հավաքվել՝ մասնակցելու կառուցվելիք Ս. Գրիգոր Լուսավորիչ եկեղեցու հիմնօրհնեքի սրբազան արարողությանը: Արարողությանը մասնակցելու էին եկել մահ Լատվիայի Ուղղափառ եկեղեցու ներկայացուցիչ Հայր Լավրենտիոս և Լատվիայում Լյութերական եկեղեցու պետ Յանիս Վանագալը, գրող, բանաստեղծ Մարիս Չակլայսը:

Հիմնօրհնեքի արարողապետն էր Ռուսաստանի և Նոր Նախիջևանի հայոց թեմի Առաջնորդ Գեոր. Տ. Տիրան արքեպս. Կյուրեղյանը՝ ընթերակայությամբ Տ. Վահան քահ. Սարիբեկյանի:

Եվ թեև ցուրտ և ձնախառն եղանակ էր, քայց արարողությունը չընդհատվեց: Եվ հիմքի քարերը, որոնք մախ ջրով լվանում էր Տ. Վահան քահ. Սարիբեկյանը, իսկ Սրբազան հայրը Ս. Մյուռոնով օծում, պահում էին համայնքի անդամների զավակները: Եվ ինչպես իր խոսքում ասաց Գեոր. Տ. Տիրան արքեպս. Կյուրեղյանը՝ «Երեխաների համար սա կլինի հիշողություն իրենց ամբողջ կյանքի ընթացքում, մրանք դեռ իրենց երեխաներին ու թոռներին պիտի պատմեն, որ մասնակցել են տաճարի հիմնօրհնեքին»:

Հիմնօրհնեքի արարողությունից հետո, Սրբազան հոր առաջնորդությամբ, գնացին Ռուս Ուղղափառ եկեղեցու Ս. Ծնունդ տաճար, ուր կատարվեց համդիսավոր ժամերգություն, և որի ընթացքում քարոզ խոսեց Սրբազան հայրը՝ իր խոսքը խարսխելով հայ-ռուս և հայ լատիշ ժողովուրդների բարեկամության վրա:

Իր սրտի խոսքը ասաց մահ Լյութերական եկեղեցու պետ Յանիս Վանագալը. «Ես շատ ուրախ եմ, որ Լատվիայում արմատավորվում է հին և շատ գեղեցիկ մի ավանդույթ, այն դեպքում, երբ Լատվիա են գալիս մոր կրոնական հոսանքներ, կարծում եմ, որ սա կարևոր իրադարձություն է Լատվիայի բոլոր քրիստոնյաների համար»:

Իսկ գրող Մարիս Չակլայսը, որը քաջածանոթ է հայկական մշակույթին և թարգմանություններ է կատարում հայերենից, հայ ժողովրդին նվիրված իր պոեմից կարդաց հատվածներ:

Հայերը Լատվիայում հաստատվել են առաջին Հանրապետության շրջանում 1938 թ., և այժմ տեղի հայ համայնքի անդամների թիվը հասնում է մոտ 3.000-ի:

Տաճարը կառուցվելու է տեղի հայության միջոցներով, որի կառուցումը պետք է ավարտվի 2001 թ. հունիսի մեկին՝ մի քանի օր շուտ, երբ ամբողջ քրիստոնյա աշխարհը կտոնի Հայաստանում քրիստոնեությունը պետական կրոն հռչակման 1700-ամյակը: Եվ ինչպես հույս հայտնեց համայնքի նախագահ Ս. Տեր-Ավետիսյանը, տաճարի կառուցումը կավարտվի նշված ժամանակին: